

مطبعه و محل اداره :

جغسال اوغلنده امنيت
صندوغى جوارنده
شنكول يقوشنده
۲۲ نومرو

مشتاقنامه

۱۳۲۶

اخطار :

مسلكمزه موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاست و بالخاصه احوال و شئونه اسلامیه و بحث ایدرو هفته ده بر نشر اولنور .

آبونه بدلی

صاحب و مؤسسوری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۳ ربیع الاخر پنجشنبه ۳۱ مارت ۳۲۶

عدد : ۱۳۶

معنای محمول اوله ماز. بو شاشقینلره تلقیناتده بولنان بی وایه لرك زهد وتوكلك معنای صحیحی بیلدکری یوقدر.

[بو جهتلر آیری آیری مقاله لر ایله صراط مستقیمده ایضاح وتنویر اولمشدر.]

مقتضای اسلامیت بذل مساعی واستحضار اسباب مکنت، وبوسایه ده محافظه شرف وحیثیتدن عبارت اولدینی - بالاده اشارت اولنان - آیات واحادیثدن واضحاً آکلاشلمقدهدر.

اقتضای عالیهی احراز شرف وسعادتدن عبارت بولنان دین مقدس وعالی منتسبانیك درکه سفلاى مذکته انحطاطلرینی ترویج ایتمی معقول اولورمی ؟

تلقینات مزبورده نك مروجی اولان جاهلر علی العمیا ناسی دنیادن تنفیره ساعی اولدقاری کی مبنای سعادت وترقی اولان بالمله فنون حاضره علیهنده کی صاچا سوزلریله ده افرادملتی اغفالدن خالی اولیورلر. یا ککش محاکمه قاپیلان بر خیلی منتسبین علوم دخی مصالح عمومیه نك کسب انتظامنه ، سلامت وسعادت دین ودنیا استحصائله مدار اعظم اولان فنون طبیعیه وعلوم عقلیه ایله اشتغالی علوم شرعیه ده احراز رسوخه مانع طوتارلر ، حتی ایچلرنده اشتغال مزبورى عقائد اسلامیه بی افساده بادی، عادتاً دیندن خروج ومباعده داعی عد ایدلرده بولنور. بو ظن وادعاده بولنان کسان عالم اسلامیه قارشى قوللانمق اوزره خصما نك اللرینه بر سلاح مقاومت ویرمش ، اسلامیتك مانع ترقی وتمدن اولمسنه دائر اولنلرك اوتهدنبری دیلرینه دولادقاری دعواى باطله بی اثبات ایده بیللمریچون یول آچمش اولیورلر. [۱]

دین مبین اسلام حقنده بویله بر ظن وذهاب حد ذاتنده کتاب مقدسمز اولان فرقان حکیمه معارض اوله جنی کی بو وادییه صامش اولانلر، اسلاف کرام دینك اتخاذ ایتمش اولدقاری مسلك ممدوحندن ده تعامی ایله مش اولیورلر.

احوال عالمه واقف اولان ارباب بصیرت بیلرلرکه اوائله اهالی اسلامیه تمدن وعمرانه عائد هر خصوصده ملل واقوام سائریه تقدم وتقوق ایدرلردی. عصر سعادتده بیله یالکز دعا ایله اکتفا اولنموب اسباب ترقی وتکامل تحریر اولنوردی. علوم وصنائع کافه سنه اهتمام تام سایه سنده دین اسلامك علوتی ، حکومت سائریه قارشى نفوذ وسطونی محافظه واعلا ایدلمکده ایدی. اسلاف کرامز ایجابات عصریه کوره عمران وانتظامك ، تفوق واعتلائك متوقف بولندی اسبابك استحضارنده ذره قدر اثر تسامح کوسترمش دکلردر. بلکه تحریر اسباب سلامت وتهلکلی شیلره القای نفسدن مجانبت وجوبنه دال اولان آیات واحادیث مقتضاسنجه حرکت ایدهرک بو فریضه بی

[۲] چونکه مخالفلر بو ظن فاسدی اساس اتخاذ ایدهرک دیه بیلرلرکه علوم دینییه حصر اوقات ایدن بر شخص انحلال عقیده وفساد دین قورقوسیه مصالح دنیایی دوشونمک واونك مبنای انتظامی اولان علوم وفنون ایله اشتغال ایتمکدن تبعاده مجبور اولیورسه اسلام ایله علوم بیننده مبانیت وجودینه بوندن بویوک حجت وبرهان اوله ماز.

فرائض سائرده دن اصلاً آزماش ، خصوصات مهمه نك هیچ برنده اعدای دیندن استعانهیه مجبور اولما مشدردر.

چشم افتخار وابتهاج ایله حالا کورمکده بولندیغمز مآثر عالیه ، بی نهایته مبانی سامیه بودعوامزك اک پارلاق شاهدلریدر.

افراد مسلمینك هر زمانه کوره محتاج بولندقاری معیشت طیبه نك رفاه وانتظام اوزره امرار حیات ایله برابر محافظه وقار وشوکتك تأمیننه باعث وثروت مایه نك دیار اجنبیهیه انتقائه حائل اوله جن بوتون علوم وصنائعك تعلم وتحصیل فروض کفایه جمله سندن اولمسنده تردد قدر بویوک جهالت اوله ماز. علوم شرعیه دن نصیبه دار اولان هر عاقل بو حقیقتی اعترافه مجبوردر.

بناءً علی ذلک بو وظیفه دینییه ایفاده بوتون افراد ملت تهاون وتکاسل ایدوبده ایچلرنده ازاله احتیاجه کفایت درجه سنده بذل مساعی ایدنلر بولمادیقی تقدیرده جمله سی بردن مخالفت شرعه عاصی اولورلر. نصرت وحمايه سبحانیه دن محروم قالیرلر.

محافظه شان وشوکتیه باعث اوله جن صنائع عالییه نك اک مهملرندن بریده صنعت عسکریه اولوب بونده احراز ملکه ومهارت ایسه يك چوق علوم وفنون تحصیلی ایله برابر خیلی مدت ادمان وممارسه سایه سنده قابل اوله بیلیر.

بو مسلك بیللی احیایه سبیله فریضه جهادی ایفایه متهی بولنان فدا کار قاردرلرمز ملتزمك اک عزیز ومحترم ارکانی اولدقاری وارسته اشتباهدر.

ومن الله التوفيق

مناسرتلی

اسماعیل حق

سلامت مقدمت

مابعد

دینده حدی تجاوز ایدن ارباب افراط ایله يك کریده قالان اصحاب تقریبی کرک دنیاده ، کرک عقباده وخیم عاقبتلره تهدید ایدن ؛ اصول اعتدالی اک طوغرو بر مقیاس ایله اولچن ، قوانین فاضله بی اک متین بر اساس اوزرینه تأسیس ایدن آیات الهیه نازل اولدی. مسلمانلق روحك تمایلاتنه حقایق اشیا بی طایر بر نظر حکیم ایله باقدینی ایچون او تمایللردن هیچ برینك محوی لزومنه قائل اولمدی؛ بلکه طیب خستهیه نصل باقارسه اوده او تمایلاتی درجه اعتداله سوق ایتك صورتیه تداوی ایتدی ؛ اعتدال دن صابوب افراطه یاخود تقریبه دوشمك انسانی کریوه هلاک سوق ایده جکنی کوستردی .

آیات کریمه شو حقیقتی بیلدیردی که جناب حقك بزی کتم عدمدن جهان وجوده کتیرمسی احساسات روحیه مزی اولدیره جك، اولنری کمال انسانی دائره سندن خارج براقه جن بر طاقم آغیر عبا - دتلره تعذیب ایتك ایچون دکلدر ؛ بلکه فاطر حکیم بزی یاراتمش ، حکمت حقیقه مقتضاسنجه حرکت ایتدیکمز صورتده واصل اوله بیله جکمز غایه بلند ترقیه پتیشه بیلمه مز ایچون بزه شو حس ایتمکده

لربه كفوراً . ولا تجعل يدك مغلولة الى عنقك ولا تبسطها كل البسط فتقعد ملوماً محسوراً .

صوکره ، تواضع حقننده دیرسکز ؟ صاحبی اوج مجد و شرفه چیقاران بوسجیه اسلامک تشویق ایتدیکی اک بویوک سجایانددر . علیه الصلاة والسلام افندمن « لوکان المتواضع فی قاع بزلعث الله الیه ریحاً ترفعه - متواضع بر قویوده بولنسه بیله جناب حق بر روزکار کوندره رک اونی یوقاری یه چیقاریر » بویوریور . لکن حضرت پیغمبر تواضعک ده بزى ذلته ، محقریتیه دوشوره جک درجه افراطندن تحذیر ایتکده کری قالمیور ؛ حتی تواضع کوسترمکه شایان اولان آدمیر ایله بالعکس کندیلرینه قارشى وقور طاورامق ایجاب ایدنلری آییره رق بویله لرینه قالا اولدینی کبی حالاده بر درس ادب و یرمک لازم کله جکینی اخطار بویوریور . « ومن لا یوجب لك لا توجب له ولا کرامه . لانا صاحب من لا یرى لك من الفضل کمثل ماتری له . اذا رأیت المتواضعین من أمتی فتواضعوا لهم واذا رأیت المتکبرین فتکبروا علیهم . الکبر علی أهل الکبر صدقة . »

ایشته مسلمانلق بزه بر طرفدن مکارم اخلاقک هم بو دنیاده کی قدرینی ، هم حیات باقیه ده کی مرتبه من اوزربنه تأثیرینی بیلدیردیکی کبی دیگر طرفدن ده او مکارمک ساحه حقیقیه سنی ، حدود طبعیه سنی تمامیه تعیین ایتمشدر ؛ تا که حدیث شریفک معنای بلندی وجهله انسان نه ینه جک قدر طاقی ، نه آتیه جق قدر آجی اولسون . چونکه بو درلوسی حیات اجتماعییه منافی اولدینی کبی او حیاتک ترقیسنده جوق مانع اولور .

الله عشقنه سویلکیز افرادی اخلاق فاضله ده افراطه دوشهرک دائرة اعتدالدن طیشاری چیقان بر ملتده اشخاص رذیله نه یاماز ؟ کذلک هر جنایتیه عفو ایله ، هر رذالته مسامحه ایله مقابله کورن ارباب طغیانک ادب سزلکی نوله قدر و ارماز ؟ نتیجه بو کبی مفسدلرک رزائلده الا بیلدیرکینه ایلری کیده رک بوتون اسباب امن و آسایشی اخلاص ایتلری ؛ کذلک انجیق آغیر ، موجب انتباه جزالره قابل اولان تأدیبدن محرومیتلری اولماز می ؟ علیه الصلاة والسلام افندمن « اقامة حد من حدود الله فی الارض خیر من ان تمطر وا اربعین يوماً — یر یوزنده حدود الهیه دن بر حدی اقامه ایتک سزک ایچون قرق کون یاغمور یاغمسندن ده اولادر » بویوریور . حیات اجتماعیه نک او یله بر طاقم شئون ، ایجاباتی واردرکه بر قسمک اولسون شویله سطحی بر صورتده تدقیقنه کتابک جمعی مساعدکدر . ایشه او حیات هر عضوک انتباه ایچنده بولمنسی ، شدائینه قارشو تحمل ایده جک بر جلادت ، مشکلاتی حل ایلجه جک بر فطانتله مجهز اولمنسی استلزام ایدر . ده طوغریسی حیات او حرب دائمدرکه انسان طوغدینی کوندن تا نفس واپسینه قدر قورتیلاماز ، او یله بر حرب که اونی انسانک مطالب جسمانیه و روحانیسی اعلان ایدر . حاجات حیات ایسه قیزیشدیرر طورور . او یله بر حرب که بشریت ایچون مقدر اولان کماله وارمق ، حیات باقیه ده طی درجات ایتک

اولدیغمز تمایلاتی و یرمشدر . صوکره ، بزه امر ایتش اولدینی جسمانی وجدانی بوتون عبادتدن انجیق بو نتیجه مقصود اولدینی کوسترمشدر . جناب حق « ما یرید الله لیجعل علیکم من حرج ولکن یرید لیطهرکم ولیم نعمته علیکم لعلکم تشکرون » بویوریور .

دینده غلو جناب حقک انسانلره تکلیف ایتدیکی شیردن اولدینی ، بالعکس ذات بارینک انسانلره مالایطاق تکالیفده بولنقدن منز اولدینی اسلام صراحة بیلدیریور . « لا یكلف الله نفساً الا وسعها » حتی تاریخده کورمش اولدیغمز بر جوق اقوام سالفه یی محو ایدن غلوه دیندن اولیون صرف کندی صنیعه لری اولدق لینی ، ویلیور . جناب پیغمبر « ایا کم والغلو فی الدین فانما هلك من کان قبلکم بالغلو فی الدین - دینده حدی تجاوزدن صاقینکیز چونکه سزدن اولکیر آنجیق بو غلو یوزندن محو اولدیلر . » بویوریور .

عبادت یولنده وجودینی بتیرمک خالق ذوالجلاله قارشى شدت اخلاصه دلالت ایدر ، ظننده بولنق صورتیه بیلیمیه رک جناب حقک صفات ازلیه کمالیه سنی تغیر ایدنلری مسلمانلق نهی ایتدکدن ماعدا بو عبادت ترک هدر اوله جننی ، فضله اوله رق غضب الهی پی ده جلب ایده جکینی صراحة ذکر ایدیور . علیه الصلوة والسلام افندمن « من لم یقبل رخصة الله کان علیه من الذنب مثل جبال عرفة - جناب حقک مساعدنه سنی قبول ایتمینلر عرفه طاغری قدر بویوک وبال آ لنده قالورلر . » بویوریور . اسلام فانی باقی هرایکی سعادتک دینی ، هر ایکی حیاتک قانونیدر . مسلمانلغک اساسلنده ره بانلق یوقدر « من تبئل فلیس منا » . کذلک طاغ باشلرینه حقیقه رق حیات اجتماعیه دن روگردان اولق ، سعی و عملی ترک ایلک کبی شیر اسلام ایله قابل تألیف دکدر . خایر خایر ، بونلرک هپسی مسلمانلغ منافی اولدینی کبی خالق ذوالجلالک غضبی موجبدر . آدمک بری عبادت ایچون برطاغ باشنه چکیلمش . صوکره بونی حضور پیغمبری یه کتیرمشدر . علیه الصلاة والسلام افندمن « صاقین نه سن نه ده ایچکزدن بشقه بری بویله شی یا یمکیز سزک مواطن اسلامدن برنده بر ساعت صبر و ثباتکیز یالکیز باشنه قرق سنه عبادت ایتمسندن ده خیرلیدر » بویورمشدر .

ایشته ارواحک اختیاری اوزرنده تصرف ایده رک اونی کرک حیات فانیه ده ، کرک حیات باقیه ده نعیم و سعادتیه سوق ایدن اعتدال دینی یه مسلمانلغده بوقدر یوکسک بر موقع یرلمشدر . بونکه برابر اسلام روحک تمایلاتی ، مطالبی قارشوسنده عینی اعتدالدن آرملاز . ذاتاً مسلمانلغک هیچ بر حسک ، هیچ بر میلک محوی لزومنی آمر اولیوب انجیق بوتون حیاتک ، بوتون تمایلاتک معتدل اولمنسه ، افراطدن تقریطدن مصون قالمسنه چالشدیقنی یوقاری ده سویله مشدک .

مثلاً جو مردلکی اله آله . شوخصلتمدوچه بیلله انجیق اعتداله رعایت ایدلک شرطیه نظر اسلامده فضیلت عد اولنه بیلور ، یوقسه مسئولیتی موجب بر قباحتر « و آت ذالقربی حقه والمسکین وابن السبیل ولا تبذر تبذیراً ان المبذرين كانوا اخوان الشیاطین وکان الشیطان

ايتينلار ايچون الندن قورتيليش يوقدر . اويله بر حرب كه انسان كندى فطرتنده مكنوز اولان اسراردن غافل اولسون ، خلقتنده كي خوارقدين بي خبر قالمسونده بو حقايقه مطلع اولمق ايچون خصائص مفسوره سنى ، سجاياي مجبوله سنى اعماله مجرر اولسون ديه خالق حكيم طرفندن قماي شدينه مساعده اولمقده در . « ونبلوكم بالشر والخير فتنه والينا ترجمون »

ايشته سزه بر عائله . شمدى او عائله نك باباسى مكارم اخلاقده چوجقلىرىن صادر اولان هر قباحتى عفو ايده نك درجه ده مفرط اولورسه او اوده تربيه نه حاله كلير ؟ بويله بر عائله ايچنده يتيشلر شيه يوقدر كه فناقلرينه قارشو طوره جق قواي مانعه يه آليشماش اولدقلى ايچون تكاليف حيات قارشوسنده آيشوب قاله جقلى در . طبيعى بويله بر بابا ايله مصاب اولان عائله نك حالى پريشانلقدن مصون اولاماز ، او باباده ، نظر شريعتده دائره اعتداله چكلمسى ايجاب ايدن بر مجرم اولور . شو حكيم عائله حقنده صحيح اولدقدن صكره جمعيت حقنده طبيعى دهها صحيح دهها صريحدر .

مسلمانلق انسانيتى تمايلات روحيه سنده تفريظه دوشمك وياخود افراطه چيقمق تهلكه لرندن قورتاردينى كي انسانلره اويله معتدل بر مسلك رسم ايتمشدر كه نظام خلقتنه ، قوانين حياتنه تاميله او مسلك مطابقدر ، روحه كمال صلح و انتظام ايله معارج كماله طوغرى ارتقا فيضنى ويره جك حريت حقيقيه يي او مسلك بخش ايتمشدر « و كذلك جعلناكم امة وسطا لتكونوا شهداء على الناس و يكون الرسول عليكم شهيدا » .

محمد عاكف

آمریقا نوطلرم :

مورمونلق نه در ؟

آمریقاده اويله تحف ، غريب دينلر واردر كه انسان حيرت ايدر... باغارستانده ، مجارستانده ، بويله مملكتلرده نه قدر مختلف فرقه وار ايسه آمریقاده او قدر مختلف دين وارديسهم جائز اولور . بریسی قالقيور ، خرسيتيانلقه برابر يكي بردين ايجاد ايدییور ، كزییور ، طولاشیور ، شومن دوفرلرده ، واپورلرده ، باغچلرده هریرده نطقلر ایراد ایدیور ، دینه برچوق سالاك بولیور .

تحف كه آمریقاده بو قدر مختلف دين جريانلری اولدينى حالده قىم اعظم اهالى پروتستانلغ مدهش برفدا كاری كي كورونورلر . باخصوص قاديئلر فوق العاده تعصب ابراز ايدرلر . آمریقاده اسلاميت ايله خرسيتيانلق آره سنده برطاقم دين اختراعنه يلته نلر بيله اولدی . كچن سنه ينه بو صحيفه لرده بهائيلره دائر ویرديكم معلومات بو سوزمى اثبات ايدر .

آمریقانك غريب بردينده مورمونلق در . مورمونلق ميلاد عيسادن ۶۰۰ سنه اول موجود بردين اولدوغنى ادعا ایدیورلر . بنی اسرائيلدن صديانك بودینه دائر يازدينى برائری آمریقاده قالمش و

آمریقا كشف ايدیلنجه بولونمش ... ايشته بو دينك سالكلى بويله اعتقاد ایدیورلر .

اصل بو دينك موجدى بريغام يونغ Brigham young اسمنده بر آمریقالى در . بو آدم انجیلی تحريف ایدرك ايشته ديكي كي يازمش وحتی تعدد زوجاتی قبول ايلمشدر . مورمونلرک تعدد زوجاتی قبول ایتملری صرف مورمونلرک عددینی چوغالتمق فکرندن نشأت ايلمشدر . بعض آمریقاليئر تعدد زوجات مناسبتيله مورمونلری ده اسلام ظن ايتشار ايسه ده مورمونلق ايله اسلاميتک طبيعدرکه قطعياً مناسبتی يوقدر .

مورمونلر اولا میسوری آیالتنده او طور مقده لایکن مذاهب منازعه لريله ۱۸۳۸ ده اورادن اخراج اولونورق (ایللانوئیز) جمهوريته کچمشلر واوراده دخی پروتستانلرک تهاجنه دایانامه یه رقی بر جوق وجود غائب ایلدکن صوکر ایرانواده طاغلی طرفلرنده کائن یوتاخ Utah شهرنده یرلشمشدر . یوتاخ شهری اولا هیچ بروجهله حائز اهمیت دکل ایکن قالیفورنیا زراعتک ترقیسی و آلتون معدنلرینک کشفی اوزرینه کسب اهمیت ایلمش وبالاخره (یوتاخ) ایالتی عنوانی قازانمشدر .

آمریقاليئر تعدد زوجاتی شدتله منع ایتمکده درلر . تعدد زوجات ترک ایدیلمز ايسه بوتون یوتاخ ایالتی اهالیسنى آمریقادن طرد ایدیه جکلرینی آمریقا حکومتی بیان ایلمی اوزرینه مورمونلر رسماً تعدد زوجاتی دینلرندن طی ایدرلر ايسه ده ، حقیقت حالده بو جملی بر منع در ؛ الا آن کیزی کیزی بردن زیاده قادین ايله ازدواج ایلمکده درلر ، مورمون دینک موجدى بريغام یونفک تام اوتوز بش زوجه سی وارایدی ، که الا آن یوزاللی قدر اولاد واحفادی بولونمقده در .

مورمونلق آمریقانك هر بویوك شهرنده واوروپاده واسیاده ترقی ايلمشدر . مورمونلرک هریرده کلیسالىرى ، عبادتخانه لری موجوددر . هله انكترده ده ودانیمار قاده مورمونلق هریردن زیاده ایلرله مشدر . مورمونلرک ممالك عثمانیه ده ، حتی استانبولده بيله وکیللری بولونمقده در . هریره میسیونر ، مرشد کوندر دکلری كي ممالك عثمانیه ده کونده درلر . حتی آمریقاده بولنان دوستلرمک تأمیناته نظر امورمونلر حلب وعینتاب جهتلرنده کزه ن بعض مورمون میسیونرلری سوریه لیلرله ارمنی وطنداشلیرمیزی پاره ویره رک ، ایش وعد ایدره ك بالاغفال مورمونلغه سوق ایدر و یوتاخ آیالته کوندریرلر ایش !... فقط یوتاخ آیالته کلنجه ایش دیکشور ، بو وطنداشلمورمون اولدقلى حالده مورمونلر وعدلرینی اجرا ایتزلر ، ایشسز کوچسز سوقاقده قالیرلر ایش ! ...

شیغاغو - سانفرانسیسکو خطی اوزرنده صولتله یق شهرنده مورمونلرک غایت جسم بر کلیسالىرى موجوددر . مورمونلق ۱۸۴۷ یاخود ۱۸۳۰ تاریخنده اعلان ایدیلمش و ۱۸۵۳ ده ده بوبویوك کلیسا انشا ایدیلمکه باشلانمش و ۱۸۹۳ ده ختام بولمشدر . بو کلیسا مورمونلرک اک بویوك کلیسا سیدر دیسه ك جائز اولور . کلیسا نك شرفدن غریبه ۱۸۶۱ قدم اوزونلغی اولدینی كي آلتی دانه جسم